

VÕROKÕISI KÜÜK

Tiijuht

1. Võrokõisil om kombõs esi' süvvä' tetä' ja pruuki' tuu man kotost vai kodo lähküst peri kõrralikku kraami. Süvvä' tetäs uma kandi talokaubast ja toetas tuuga paiklikke söögikraami kasvatajit.
2. Võrokõnõ pakk tõisilõ tuud, midä tä esiki süü.
3. Võrokõisi söögi' omma' lihtsa', odavalt tettü' ja näütäse' hää' vällä. Egäl söögil om uma kimmäs, selge maik.
4. Võro söögikõrd om säet aastaaoga kokkuminevä söögikraami ja vanno söögikombidõ perrä.
5. Võrokõisi köögin mälehtedäs ja viiäs edesi söögitarakuisi, miä omma' peri jo vanast aost. Latsõ' omma' kõgõ man ja opva' söögitegemise ni vana' kombõ' selges vanõmbidõ kõrvalt.
6. Võrokõsõ' omma' alalõhoitja' ja ettenägijä', selle om avvo seen söögikraami talvõs sissetegemine nii vana ku vahtsõ moodu perrä. Söögikraami kuivatadas, hapatadas, pantas suula, suidsutadas, tetäs purke sisse, hoidas panipaigoh, et olõs kõrrast võtta.
7. Võrokõisi söögel omma' nime' uman keelen; ku vaia, pandas mano muun keelen seletüisi.
8. Võrokõisilõ miildüs söögi tegemise ja süümise jaos aigo võtta.
9. Võrokõsõ' kutsva iks külälise tarrõ ja lavva mano. Katusõ alt lasta-ei jüväldä är minna. Ja küllä ei mindä' tüh'ä käegä, iks võedas umma söögikraami ütten.
10. Süümise man peetäs meelen, et anoma' tahtva' tühäs saia'. Võrokõsõ' üttese': "Ku kõik perä' är süvväs, tulõ hummõn hää ilm"!

Tiijuht om kirja pant võro söögi tsõõriklavval 2013. aastagal.

(Teejuht on kirja pandud võru söögi ümarlual 2013. aastal.)